

Oh Mia Sardinnia Bella

Francesco Contini - Maurizio Boassa

Isula misteriosa
de Italia sentinella
vigili e valorosa
ses Sardinnia bella

De custu Campidanu
finas a Gallura
parit sempri in beranu
sa rara tua figura

Su monti Gennargentu
cun Serpeddì e Limbara
funt un ornamentu
po custa terra cara

In s'oru 'e su nuraxi
cun su solitu 'e canna
sonat in santa paxi
su ballu 'e missa manna

Oh Sardinnia Bella

Si donat bonu Sali
s'acqua de sa marina
carboni minerali
Sulcis e Maurreddina

Mindulaus in frori
murta de fragu bellu
formant unu modellu
spantu po su pittori

Tra fragus e coloris
tra sonus e cantzonis
ricca de expressionis
terra de grandu onoris

Ofris bantu indiscussu
Deledda romanziera
De Angioy, Gramsci e Lussu
ses sa mamma sincera

Ses oh Sardinnia Bella